



MANEABA NI MAUNGATABU

7th Meeting of the 11th Parliament

NOTICE PAPER 11

ORAL QUESTIONS

1. **By Hon. Taberannang Timeon MP (North Tabiteuea)**

OQ85. E a tia ni kabwarabwaraaki nakoia taan ababa iaon Tabiteuea Meang iron aia Kauntira bwa iaan ana Ointua te Kauntira ao ana akea boon kain amwarake ake a reke ni mwaaken kawaia te Botannaomata. E a tia ni karaoaki ke koronii ibukin katamaroan ma karababaan te kawai ao akea te kabomwi nakoia taan ababa iaan te koaua aei.

Te bubuti ngkanne nakon te Tautaeka bwa e kona ni kakaea bukan te Kauntira n Tabiteuea Meang ni kabwakai boon aia kain amwarake taan ababa iaon te abamwakoro?

Translation/Rairana

It was explained to landowners on Tabiteuea North by the Council itself that under the Councils Byelaw they forfeit the right to compensation for their fruit trees felled for the improvement and widening of the main road there. Thus the cutting down of coconut trees had been done with no compensation paid to land owners based on this understanding.

Could Government be requested to assist the Island Council of Tabiteuea North pay for the compensation for fruit trees felled for the improvement and widening of the main road on the island?

OQ86. E a rang ni bobuaka te Kava n te 1kg nakoin taan kamanenaa iaon abamwakoro bwa e a rokoroko n te mwaiti ma ieta ae \$100. A noora te boo aei bwa e a riao.

E kona te Tautaeka ni buka te kanganga aei ni karina te Kava ibuakon bwaai ake a tiatianaki booa?

Translation/Rairana

The cost of 1kg of Kava to Outer Islands consumers has reached an all time high price of \$100. This is considered most unreasonable.

Could Government intervene by including Kava under the Price Control List?

2. By Hon. Ieremia Tabai, (Nonouti)

OQ88. N te tai ae e aki man n nako ao te CEO n te KOIL e kurati n te kaa n te aro ae korakora te uruaki nako iai. E taekinaki bwa te kaa bon kaan te kambana.

I kan titiraki bwa tera te reke ni kai ngkana iai ae a tia n anganaki te Tia Mwakuri aei?

Translation/Rairana

Recently the CEO of Koil was involved in a car accident causing great damage to the vehicle. The vehicle was believed to be owned by the Company.

I want to ask what disciplinary action if any has been taken against the officer?

OQ89. Ni kaekan au titiraki iaon ana motinnano te Tautaeaka ibukin karekean toilets ni katoa mwenga iaon Kiribati ao e taku te Minita bwa e karaoaki aio n te Kiritwatsan Project ao e moanaki te mwakuri mai Butaritari.

I kan titiraki bwa tao e na roko ningai te mwakuri iaon Nonouti?

Translation/Rairana

In answering my question on the promise of Government to provide toilets to all household in the country, he said among other things that the toilets are done by the Kiriwatsan project and the work starts from Butaritari.

I want to ask when is the likely date, the work still start on Nonouti?

WRITTEN QUESTIONS

3. By Hon. England Iuta, MP (Beru)

WQ12. Iai te mangaongao ae kakoauaki ni mwin aia karin mwane tabeman taan oroben mai Beru. A tekeraoi tabeman ake a teimatoa ni kakawakin mwin beban aia karinmwane ao iai teniman aika I a tia n anga katoton aia beeba nakon aobitin te kai n tabui. I kaongoaki man te aobiti aei bwa e na karaoaki te kabomwi man te Tautaeaka mwin tian kakae ma kaboware, riki iaon karimwane ake a rangi ni maan, bwa a karinaki tebwin tabun te ririki n nako ao aikoa kona n reke mwiia.

E kona ni kamatoa te Tautaeaka bwa e na bon kabooi mwin aia mwane taan Karin mwane aikai, ke tera raoi ae e na karaoaki ibukin kabooan mwin aia karinmwane te koraki aikai?

Translation/Rairana

The records of contributions from copra cutters from Beru, as voluntary members, have been mixed up. A fortunate few, have kept on to their receipts and I have provided copies of records from three members to the KPF office.

I have been informed that at the end of verifications and reconciliation, Government will make good on lost contributions especially those that were made over ten years ago and where the records cannot be traced.

Can Government confirm if it will indeed make good of these losses, or how exactly will a member's lost contribution be made good?

WQ13. Iai te karikirake are e kaweneaki tamneina tabeua ririki n nako are ana kenaki manibwa ibuakonikai ao bwamwiaki te ran ni moo ni karokoaki ni kaawa iaon kawaina ngkai ni waakinaki te karikirake ane ma aki bane n rin kaawa iai. Taboiaki ao Eriko ae ngaia uoua ni kaawa aika aki rin ao a rangi n tarika aoia ao angiin aia ran ni moo a reke mai buki.

Iai angan ae e na kona te Tautaeaka ni karini kaawa aika Taboiaki ma Eriko inanon te karikirake aei?

Translation/Rairana

A project was designed a few years back when fresh water wells will be dug in the bushes and potable drinking water will be pumped to the villages. The project is about to be implemented though not all villages are included. Taboiaki and Eriko are being missed out and it is in these two villages where well waters are so brackish that normally villages either fetch or pump potable water from the bushes.

Can Government consider including Taboiaki and Eriko under this project?

WQ14. Ngkana e waaki te mwakuri ni katamaroa nakon te marae i Beru e kona n are kanauaki man katau bobongaki raoi n te aro are ana kona naba n tiku waanikiba ake ababaki riki n aron te Dash 8?

Translation/Rairana

Can the rehabilitation work on the airport in Beru include the lengthening of the runway and other improvements necessary to be able to accommodate and service bigger aircraft such on the Dash 8?

WQ15. Ngkai e a tia mwakurian te kawai ma te marae ni waanikiba i Tabiteuea Meang, e kona ni moanibwaiaki Beru imwina ni karaooki kawaina ma ana marae ni wanikiba ngkai a bon rangi n rotaki ao n rubekebeke?

Translation/Rairana

Now that road and airport rehabilitation works on Tabiteuea North have been completed, can Beru be done next as a matter of priority given the deteriorated conditions of the road and airfield?

WQ16. E kona ni kamataata te Tautaeaka, nningai raoi ae e na kantaningaki bwa e na waaki iai karokoan te tareboon iaon Beru?

Translation/Rairana

Can Government please confirm when exactly when will the mobile roll out reach Beru?

WQ17. Tabeua te ririki n nako ao iai ana tiim te Botaki ni Mwakuri ni Bitineti ni kaongora n roko i Beru. E kairaki te tiim iroun Tiroa Roneti ao te manatia n te Botaki ni Beru n te tai anne bon Tanentoa. A taekinna kain te tiim

anne inanon aia kaongora inanon kaawa ao ni manga bon kamatoa imwina n te babaro are e teweaki n te maneaba i Nukantewaa bwa iai te boneti are e na kabwakaaki nakoia taan bwaibwai.

Te kan mataata bwa tera are e riki nakon te boneti anne, e a tia ni bwaka nningai ao ia?

Translation/Rairana

Several years back a team from the Minister of Commerce visited Beru. The team was led by Mr Tiroa Roneti and Tanentoa was the manager of the local Cooperative of the time. During the discussion of the villages and which the team later reaffirmed in a subsequent general assembly which was called at Nukantewaa maneaba that payment of dividends be made to members.

Members now wish to seek clarification on whatever happened to the dividends if they were ever paid, and where?

WQ18. Ni kiban te wanikiba, mai Tarawa nako Beru, n te bong ae 6 Nobemba 2017 ao e bon rangi ni korakora te karau ni bwaka n te marae i Bonriki n te bong anne. A kakoaua bwatintia tabeman bwa e raran te wanikiba bwa a nora te ran n timtim nako nanona, aio bon imwain ao inanon kibana. E kararaoma aio nakon te botannaomata.

Te titiraki, ke tao te raraoma ngkanne, a bon tau waanikiba aikai ngkai ni kibakiba ke a nang riai ni kaboaki aika a boou?

Translation/Rairana

On a flight back from Tarawa to Beru on the 6th November 2017, there was a very heavy down-pour at Bonriki airport during that day. Several passengers witnessed that the aircraft was leaking in that water was seen seeping into it, and this was before and after takeoff. This is worrying to the public.

The question, or, rather the worry is that are these aircrafts still airworthy or that new ones need to be procured?

WQ19. A okioki uruakin bwaam n ran ake a maiu man itin taai, ake i tabon te kaawa ae Taboiaki mai maiaki ao n te rerei i Tebono. I kaongoaki iroun te Tia Mwakuri n te ran bwa a bon bane tain bwaan aikai bwa a riaon waniua ririki korakoraia are a katautauaki iai ao ana riai n oneaki mwii.

E a butiaki te Tautaeka ngkana e kona ni karekei onean mwin bwaam aikai, bwa e bon rangi ni kanganga aron anaakin te ran ae mam n taabo aikai. Teuana naba oin te bubuti bwa ai akea aia konaa, te Kauntira ke taan maeka ni karekei onean mwiin aia bwam aikai?

Translation/Rairana

The breakdowns of the solar water pump of southern end of Taboiaki village and at Tebono Primary School are becoming repetitive. I have been informed by the water technician that the reason for this is that the pumps have gone beyond their expected life span of eight years and need to be replaced.

Government is requested to provide replacement of the pumps given that fetching potable drinking water in these areas is very difficult. The other main reason is that both the council and for the people residing in these areas, do not have the means to replace these pumps?

MOTION

4. By Hon. Taberannang Timeon MP, (North Tabiteuea)

Motion 17

Bwa te Auti aei e raraoma n noori bitaki tabeua aika aki raraoi nakon ara katei ni Kiribati ao e kaumaka te Tautaeka bwa e na waekoa ni karaoi waaki ni kaitaraai bitaki aikai.

Translation/Rairana

That this House is concerned to see some negative changes in our Kiribati culture and urges Government to counteract these negative changes as a matter of priority.
